



Broj: 12-05-20243/14
Sarajevo, 30.06.2014.god.

KANTON SARAJEVO
VLADA KANTONA
(OVDJE)

PREDMET: Izvještaj iz oblasti sporta za 2013 godinu

U prilogu vam dostavljamo:

Izvještaj iz oblasti sporta za 2013 godinu, a koji je planiran programom rada Skupštine Kantona Sarajevo.

S poštovanjem,

MINISTAR

Ivica Šarić





Bosna i Hercegovina
Federacija Bosne i Hercegovine
KANTON SARAJEVO
V L A D A
Broj: 02-05- /14
Sarajevo,

Na osnovu člana 22 i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 – Prečišćeni tekst), Vlada Kantona Sarajevo je na 75. sjednici održanoj 13.08.2014. godine, donijela sljedeći:

Z A K L J U Č A K

1. Usvaja se Izvještaj iz oblasti sporta za 2013 godinu.
2. Izvještaj iz tačke 1. ovoga zaključka prosljeđuje se Skupštini Kantona Sarajevo na razmatranje.

Dostaviti:

1. Predsjedavajući Skupštine
Kantona Sarajevo
2. Premijer Vlade Kantona Sarajevo
3. Ministarstvo kulture i sporta
4. Evidencija
5. Arhiva

VRŠILAC FUNKCIJE
PREMIJERA

Muhamed Kozadra, dipl.ecc



web: <http://vlada.ks.gov.ba>

e-mail: ssv@ssv.ks.gov.ba

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1



Obrazloženje

PRAVNI OSNOV

Pravni osnov za donošenje Zaključka od strane Vlade Kantona Sarajevo sadržan je u odredbama člana 22 i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 – Prečišćeni tekst).

RAZLOZI ZA DONOŠENJE

Programom rada Skupštine Kantona Sarajevo za 2014. godinu utvrđena je obaveza Ministarstva kulture i sporta Kantona Sarajevo i Vlade Kantona Sarajevo da pripremi Izvještaj iz oblasti sporta za 2013.godinu.

Sport je u 2013.godini postigao značajne uspjehe uz finansijsku podršku ovoga Ministarstva i sigurno zaslužuje da se ovaj Izvještaj prezentira Vladi i Skupštini Kantona Sarajevo.

Naravno da i u sportu kao i svakoj drugoj djelatnosti postoji prostor za dalje napredovanje kako u organizacionom, tako i u rezultatskom smislu. što ovaj Izvještaj i potvrđuje.



Na osnovu člana 114. Poslovnika Skupštine Kantona Sarajevo ("Službene novine Kantona Sarajevo" - Novi prečišćen tekst, broj: 25/10), Skupština Kantona Sarajevo, na sjednici održanoj dana _____ 2014. godine, povodom razmatranja Izvještaja iz oblasti sporta za 2013 godinu, donijela je slijedeći:

ZAKLJUČAK

Usvaja se Izvještaj iz oblasti sporta za 2013 godinu.

Broj:
2014.godine
SARAJEVO

PREDSJEDAVAJUĆA
SKUPŠTINE KANTONA SARAJEVO

Prof. dr. Mirjana Malić





IZVJEŠTAJ IZ OBLASTI SPORTA ZA 2013 GODINU



web: <http://vlada.ks.gov.ba>

e-mail: ssv@ssv.ks.gov.ba

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1



SADRŽAJ

1.	Uvod	2
2.	Pravna regulativa	2
3.	Sistem sporta na području Kantona Sarajevo	3
4.	Organizacije u sistemu sporta Kantona Sarajevo	3
5.	Učesnici u sistemu sporta Kantona Sarajevo	5
6.	Finansiranje sporta	6
7.	Takmičarski rezultati sportista iz Kantona Sarajevo	8
8.	Sportske manifestacije	9
9.	Prijedlog mjera	12

1. UVOD

Sport u Kantonu Sarajevo bi trebao da bude dio piramidalne organizacione strukture sporta u cijeloj Bosni i Hercegovini. Zbog nedostatka političkog ambijenta, posebno na državnom nivou, to trenutno nije takva situacija. Iako je Zakon o sportu Bosne i Hercegovine usvojen 2008 godine finansiranje sporta na državnom nivou nije u potpunosti zaživjelo. Država je, eventualno, samo jedan od partnera koji učestvuje u finansiranju državnih reprezentacija za njihova učešća na različitim međunarodnim takmičenjima.

Praksa pokazuje da i dalje Kanton Sarajevo pokazuje najveću zainteresovanost za rad institucija u sportu, sportskih klubova i, vjerovatno paradoksalno zvuči, reprezentativnih selekcija. Skupština Kantona Sarajevo i Vlada Kantona Sarajevo pružaju sveobuhvatnu, a posebno finansijsku potporu gotovo svim oblicima takmičarskih aktivnosti klubova sa područja Kantona Sarajevo i gotovo svim reprezentativnim selekcijama, kao i kapitalna ulaganja vezana za sanaciju, rekonstrukciju i izgradnju sportskih objekata. Svijest o socijalnim funkcijama sporta postoji i Skupština Kantona Sarajevo i Vlada Kantona Sarajevo poduzetim aktivnostima nastoje da se sportska djelatnost uklopi u ukupni društveno - ekonomski razvoj Kantona Sarajevo

Sport je nikako ili nedovoljno prisutan u ozbiljnijim strateškim planovima razvoja Bosne i Hercegovina, pri čemu se zanemaruje prednost fenomena specifične komplementarnosti sporta sa drugim društvenim područjima. Sport u sinergiji sa ostalim društvenim područjima (turizam, građevinarstvo, kultura, obrazovanje, saobraćaj, zaštita okoliša i sl.) može da predstavlja značajan generator razvoja privrednih i ljudski resursa. Ovakav odnos prema sportskoj djelatnosti rezultira kvantitativnim, a ne kvalitativnim efektima, u čemu naši zapadni i istočni susjedi znatno prednjače (Slovenija, Republika Hrvatska, Srbija, Crna Gora). Daljnji razvoj sportske djelatnosti uslovljen je cjelokupnim tranzicionim promjenama bosanskohercegovačkog društva što podrazumijeva razvoj poduzetničkog duha u sportu i njegovog promoviranja u društvenim djelatnostima.

Za društvo i državu sport ne treba da bude i nije skup obzirom da sport državi plaća velike iznose u vidu poreza i taksu na sportsku opremu, rekvizite, reklame, ulaznice, putovanje i dr.. Možemo reći da se svaki dinar uložen u sport može višestruko vratiti i sport može biti jedan od pokretača ekonomije. Kvalitetni sport je vrhunska zabava za narod, a sve više biznis i značajan prihod svih u sportu i oko njega. Npr. u Sjedinjenim Američkim Državama sport je sedma privredna grana po godišnjem dohotku.

2. PRAVNA REGULATIVA

Donošenjem Dejtonskog ustava i Ustava Federacije BiH isključiva nadležnost u kreiranju i provodjenju politike u sportu povjerava se kantonima kao federalnim jedinicama. Ovim ustavnim odredjenjima sva pitanja vezana za donošenje propisa, planova i finansiranja sporta prelaze na kantonalne skupštine i kantonalne vlade. U Sarajevskom kantonu, 1996. godine po prvi put se osniva samostalno resorno ministarstvo za oblast kulture i sporta, čime se ovim društvenim djelatnostima daje i poseban društveni značaj.

Skupština Kantona Sarajevo je na sjednici od 10.maja 2001.godine donijela Zakon o sportu Kantona Sarajevo („Službene novine Kantona Sarajevo“ br. 11/01). Na osnovu ovoga Zakona ministar je donio niz pravilnika i to: Pravilnik o bližim uslovima za organizovanje sportskih priredbi na području Kantona Sarajevo („Službene novine Kantona Sarajevo“ br. 23/03), Pravilnik o kategorizaciji sportista prema ostvarenim rezultatima („Službene novine Kantona Sarajevo“ br. 23/03), Pravilnik o bližim uslovima stručne spreme stručnog

kadra u sportu („Službene novine Kantona Sarajevo“ br. 23/03), Pravilnik o sadržaju i načinu vođenja matičnih evidencija u sportu na području Kantona Sarajevo („Službene novine Kantona Sarajevo“ br. 23/03), Pravilnik o kriterijima za podršku finansiranja javnog interesa u sportu Kantona Sarajevo („Službene novine Kantona Sarajevo“ br. 23/03), Pravilnik o kategorizaciji i namjeni sportskih objekata na području Kantona Sarajevo („Službene novine Kantona Sarajevo“ br. 23/03), Pravilnik o zdravstvenom nadzoru sportista na području Kantona Sarajevo („Službene novine Kantona Sarajevo“ br. 27/03).

Donošenje državnog Zakona o sportu je uslovalo usaglašavanja Kantonalnog Zakona o sportu sa državnim. Zakona o izmjenama i dopunama Zakona o sportu je Skupština Kantona Sarajevo usvojila početkom 2012.godine. Zakon o sportu Kantona Sarajevo – prečišćeni tekst je objavljen u Službenim novinama Kantona Sarajevo“ br. 45/12.

3. SISTEM SPORTA NA PODRUČJU KANTONA SARAJEVO

Sistem sporta na području Kantona Sarajevo obuhvata slijedeće podsisteme:

Sportski odgoj i obrazovanje – u okviru ovog područja sistema sporta obezbjeđuje se podrška programima koji mogu značajno uticati na sticanje utilitarnih znanja u području školskog sporta (npr. škole skijanja, škole plivanja, proljetni krosemi osnovnih i srednjih škola, atletski kup osnovnih i srednjih škola, studentska takmičenja u košarci i malom fudbalu i sl.). Pored ovih programa neophodno je podržavati međunarodna takmičenja mladih kao što je Međunarodni atletski miting za juniore, a svakako je kao strateško opredjeljenje neophodno učiniti napor na podršci sveukupnom radu sa mladim u sportskim organizacijama.

Sport za sve – ovaj podsistem sporta podrazumijeva zadovoljenje osnovnog prava čovjeka za razvojem, stvaralaštvom, samopotvrđivanjem i drugim civilizacijskim vrijednostima kojima se bogati i osvaja kvalitet života. U tom smislu neophodno je konstantno obezbjeđenje podrške i projekata poput Viviccite ulicne trka, Planinarskih smotri i sl..

Razvojni sport – ovaj podsistem sporta neophodno je podržavati jer omogućava stvaranje uslova za diferenciranje vrhunskih sportista. Najveći broj sportskih subjekata koji egzistiraju na području Kantona Sarajevo su upravo u ovakvoj funkciji.

Vrhunski sport – podrazumijeva pripreme sportista u organizacijama sporta za postizanje vrhunskog sportskog rezultata. Ovaj podsistem sporta predstavlja i oblik vrhunskog sportskog stvaralaštva na koji Kanton Sarajevo ima veliki uticaj, obzirom da je veliki broj sportista iz Kantona Sarajevo ujedno najbolji i na nivou države, te ga je stoga takođe neophodno konstantno stimulisati i podržavati.

4. ORGANIZACIJE U SISTEMU SPORTA KANTONA SARAJEVO

Na nivou Kantona Sarajevo registrovane su 528 organizacije u sportu i to u 57 različitih sportova, u udruženjima sporta i rekreacije za invalide i u institucionalnim organizacijama sporta. Činjenica jeste da je određen broj organizacija registrovan, ali da ne organizuju sportske aktivnosti.

Brojnost sportskih organizacija Kantona Sarajevo je povećana za 4,7% u odnosu na prethodnu 2012 godine. Fudbal, košarka, karate, plivanje, planinarstvo i tae kwon do imaju najveći broj registrovanih organizacija u sportu.

U Kantonu Sarajevo smještene su uglavnom i sve vladine i nevladine organizacije na centralnom i entitetskom nivou, te lokalnom i regionalnom nivou Kantona Sarajevo, kao i većina institucija za podršku sportu. Kanton Sarajevo je centar sporta Bosne i Hercegovine u svim segmentima.

Tabela:1.

Broj organizacija u sportu po sportovima u K.S.

R.B.	SPORT	BROJ KLUBOVA	PROCENAT
01.	Aerobik	2	0,39 %
02.	Aero sport	9	1,75 %
03.	Aikido	2	0,39 %
04.	Atletika	10	1,95 %
05.	Atletika invalidnih lica	4	0,78 %
06.	Automobilizam	12	2,34 %
07.	Badminton	1	0,19 %
08.	Biciklizam	8	1,56 %
09.	Bilijar	1	0,19 %
10.	Bob	1	0,19 %
11.	Boćanje	4	0,78 %
12.	Body building	3	0,58 %
13.	Boks	12	2,34 %
14.	Borilačke vještine	17	3,31 %
15.	Dizanje tegova	4	0,78 %
16.	Extremni sportovi	5	0,97 %
17.	Fitness	4	0,78 %
18.	Fudbal	65	12,67 %
19.	Full contact	1	0,19 %
20.	Gimnastika	3	0,58 %
21.	Golf	1	0,19 %
22.	Hokej na ledu	3	0,58 %
23.	Hrvanje	4	0,78 %
24.	Jedriličarstvo	2	0,39 %
25.	Jiu jitsa	4	0,78 %
26.	Judo	14	2,79 %
27.	Karate	32	6,23 %
28.	Kendo	1	0,19 %
29.	Kick boxing	7	1,36 %
30.	Klizanje	5	0,97 %
31.	Konjički sport	7	1,36 %
32.	Košarka	27	5,26 %
33.	Košarka u kolicima	3	0,58 %
34.	Kuglanje	5	0,97 %
35.	Misaone igre	3	0,58 %
36.	Motociklizam	3	0,58 %
37.	Odbojka	17	3,31 %

38.	Planinarstvo	19	3,70 %
39.	Ples	6	1,17 %
40.	Plivanje	26	5,06 %
41.	Ragbi	3	0,58 %
42.	Ribolov	6	1,17 %
43.	Ritmička gimnastika	6	1,17 %
44.	Ronjenje	1	0,19 %
45.	Rukomet	15	2,92 %
46.	Sankanje	3	0,58 %
47.	Sjedeća odbojka	7	1,36 %
48.	Skijanje	14	2,79 %
49.	Snowboard	2	0,39 %
50.	Stoni tenis	17	3,31 %
51.	Streličarstvo	2	0,39 %
52.	Streljaštvo	9	1,75 %
53.	Šah	11	2,14 %
54.	Tae kwon do	20	3,89 %
55.	Tenis	16	3,11 %
56.	Triatlon	2	0,39 %
57.	Vaterpolo	9	1,75 %
58.	Udr. za sport i rekreaciju invalida	10	1,95 %
59.	Udruženja sporta za invalide	18	3,50 %
60.	Sportska društva	5	0,97 %
Ukupno:		513	100 %

Tabela:2.

Broj institucionalnih organizacija u sportu u K.S.

R.B.	ORGANIZACIJA	BROJ
1.	Institucije sporta	6
2.	Kulturno sportski centri	9
Ukupno:		15

5. UČESNICI U SISTEMU SPORTA KANTONA SARAJEVO

Učesnike u sistemu sporta Kantona Sarajevo čine: sportisti (takmičari), stručni i upravljački kadar.

Procjena je da broj učesnike u sportu na nivou prethodne godine, što znači da je cca 26.900 sportista, cca 1.500,00 osoba stručnog kadra i cca 1.700 osoba upravljačkog kadra. Ukupni broj učesnika u sportu iznosi 30.100.

Tabela:3.

Struktura i broj učesnika u sistemu sporta K.S.

SPORT K.S.	SPORTISTI	STUČNI KADAR	UPRAVLJAČKI KADAR	UCESNICI
Ukupno:	26.900	1.500	1.700	30.100

Sportisti su svrstani po starosnim kategorijama i to: seniori, juniori, kadeti i pioniri.

Najbrojnija starosna kategorija su pioniri čiji broj iznosi cca 11.950 sportista, zatim po brojnosti slijede kadeti cca 6.130, seniori cca 4.520 i juniori cca 4.300.

Uzimajući u obzir da je broj učenika u osnovnom, srednjem i visokom obrazovanju na području Kantona Sarajevo približno 97.000 možemo ustvrditi da je skoro svako četvrto dijete do 18 godina uključeno u sportske aktivnosti izvan škole..

Kadar u sportskom sistemu Kantona Sarajevo čine stručni i upravljački kadar. Stručni kadar čine: treneri i medicinsko osoblje (ljekari i fizioterapeuti). Upravljački kadar predstavljaju: predsjednici skupštine, predsjednici U.O., menadžeri, direktori, sekretari, stručni saradnici. Ukupan broj angažovanog kadra u sistema sporta Kantona Sarajevo iznosi cca 3.200. Najveći postotak kadra čine treneri.

Broj trenera je nedovoljan. Uprkos činjenici da mlađe kategorije takmičara postižu značajne međunarodne i domaće rezultate, problem nedostatka dobro osposobljenih i stručnih trenera značajno je prisutan upravo kod ovih kategorija.

Naše organizacije u sportu, realno, teško da mogu obezbijediti uslove uposlenim sportskim djelatnicima koji su propisani Zakonom o radu i Zakonom o sportu. Odredbe kolektivnog ugovora takođe nije moguće primjenjivati jer ovaj tip djelatnika nema sindikat. Ovako složen pravni ambijent pospješuje odlazak stručnog kadra i sportista iz Kantona Sarajevo i usložnjava razvojne mogućnosti sportske djelatnosti.

Činjenica jeste da se sport trenutno nalazi u teškom položaju, ali činjenica jeste i da su naši ljudi uvijek, pa i sada, bili poznati kao sportski entuzijasti. Taj duh entuzijazma jeste vrlo jak, uprkos činjenici da smo prošli kroz teška iskušenja. Cca 90% ukupno angažovanog kadra u sportu čine volonteri, a cca 10% čine zaposleni na neodređeno vrijeme.

U našim uslovima samoodrživi razvoj sportske organizacije je skoro pa “nemoguća misija” iako se u praksi javljaju klubovi koji teže ka takvom načinu rada i organizovanja. Sportske organizacije održivog razvoja su veoma složeni socio-ekonomski sistemi. Takvi sistemi istovremeno trebaju kvilitetan i dobro osposobljen stručni kadar koji radi na produkovanju psihofizičkih kvaliteta i ostvarivanju vrhunskih sportskih rezultata, ali i jednako dobar upravljački kadar koji zna da organizira poslovne procese.

6. FINANSIRANJE SPORTA

Finansiranje sporta uopće je osnovi preduslov koji determiniše mogući razvoj sporta, masovnost i kvalitet sportskih rezultata.

Način finansiranja sportske djelatnosti Kantona Sarajevo se odvija po tzv. kombinovanom modelu gdje u finansiranju učestvuju učesnici u sportu, organizacije u sportu, društvena zajednica (Kanton Sarajevo, Grad Sarajevo, općine), privredni (privatni i društveni) sektor i građani.

Nivo izdvajanja finansijskih sredstava po glavi stanovnika (per capita) u Budžetu Kantonu Sarajevo za 2013 godinu je izuzetno nizak i pokazuje moguće velike razvojne mogućnosti.

Tabela:4.

Izdvajanje finansijskih sredstava za programe u sportu po glavi (per capita)

	Kanton Sarajevo (2013)
budžet u milionima	3.4066
broj stanovnika u milionima	0,440
izdvajanje per capita	7,42 KM

Tabela:5.

Izdvajanje finansijskih sredstava za kapitalne projekte u sportu po glavi (per capita)

	Kanton Sarajevo (2013)
budžet u milionima	0,240
broj stanovnika u milionima	0,4400
izdvajanje per capita	0,54 KM

U prethodne dvije tabele predstavljena su samo sredstva za sport koja je Kanton Sarajevo imao planirane prema budžetu za 2013 godinu. Sredstva za programe u sportu su realizovana, a sredstva za kapitalne projekte nisu jer su bila planirana iz novog kredita koji nije realizovan.

Tačnija analiza bi bila slijedeća. Prema podacima Zavoda za statistiku Kantona Sarajevo u Kantonu Sarajevo je u 2013 godini živjelo oko 440.000 stanovnika. Izdvajanja iz budžeta Kantona Sarajevo za programska sredstva u oblasti sporta za 2013 godinu su bila 3.406.600,00 KM što znači da je izdvajanje za programska sredstva u sportu po glavi stanovnika iznosilo 7,42 KM. Planirana, a nerealizovana sredstva iz budžeta Kantona Sarajevo za kapitalne transfere u oblasti sporta za 2013 godinu su iznosila 240.000 KM što znači da je planirano izdvajanje za kapitalne transfere u sportu po glavi stanovnika iznosilo 0,54 KM. To znači da je ukupno planirano izdvajanje iz budžeta Kantona Sarajevo za sport po glavi stanovnika u 2013 godini iznosilo 7,96 KM što je za 22,86 % niže nego u 2012. godini. Obzirom da sredstva planirana za kapitalne projekte nisu uopće realizovana, taj postotak je još veći, odnosno finansijska sredstva realizovana za sport u 2013 godini su za 28,10 % niža, nego ona realizovana u 2012 godini.

Uzimajući u obzir ratna razaranja u Bosni i Hercegovini i Kantonu Sarajevo u periodu 1992-1995, realni politički ambijent, posebno na državnom nivou, finansijsko nezaživljavanje usvojenog državnog zakona o sportu iz 2008. godine, sveukupna recesiju, nedostatak afirmirajućeg poreskog ambijenta za sponzorstva u sportu, ovakav obim finansiranja sportske djelatnosti koji je kod Kantona Sarajevo mnogo manji nego u državama Evropske zajednice (čak i 200 do 300 puta) je trenutno možda i realan, ali su neosporne mogućnosti kvalitativnog poboljšanja i povećanja. Ono što je katastrofalno je značajno smanjenje (28,10 %) obima budžetskog finansiranja sporta u odnosu na prethodnu, 2012 godinu.

Usporedba sa najrazvijenijim zemljama Evropske zajednice možda i nije najprimjerenija, ali je dobro da se zna s kakvim sportistima, iz izvanredno dobro uređenih sistema, se naši sportaši susreću na međunarodnim takmičenjima.

U periodu do 2009. godina budžetska sredstva za sport su imala trend razvoja. U 2009. godini dolazi do značajnog smanjenja sredstava u odnosu na dostignuti nivo iz 2008.

godine. Tako su u 2006. godini bila izdvojena sredstva za sport u iznosu od 4.364.000,00 KM, u 2007. 5.321.000,00 KM, 2008. 5.566.000,00 KM, da bi u 2009. godini opala na 3.830.100,00 KM, a u 2010. godini na 3.617.000,00 KM. Trend opadanja budžeta za sport se nastavio i u 2011 godini i budžet za sport u toj godini je bio 3.527.100,00 KM. Iznimnom voljom Skupštine Kantona Sarajevo i Vlade Kantona Sarajevo budžet za sport u 2012 je povećan i realizovani budžet je iznosio 4.551.000,00 KM. Situacija u 2012 godini je bila mnogo bolja nego prethodne tri godine (2009, 2012 i 2011). U 2013 godini, opet je došlo do značajnog smanjenja i procenat izdvajanja za sport u visini od 0,49 % od ukupnog budžeta Kantona Sarajevo stvarno jeste katastrofalan podatak..

Kao ilustracija može poslužiti i slijedeća tabela koja ukazuje na iznimno mali postotak koji se odnosi na finansijska sredstva za sport u odnosu na sveukupni budžet Kantona Sarajevo:

Tabela:6.

Budžet KS, sporta i procenti

Godina	Budžet KS	Budžet Sport	% Sporta u Budžetu KS
2000	396.424.000,00	2.619.500,00	0,66 %
2001	407.664.000,00	1.658.000,00	0,40 %
2002	390.000.000,00	1.650.000,00	0,42 %
2003	407.704.000,00	1.700.000,00	0,41 %
2004	473.038.740,00	3.076.100,00	0,65 %
2005	583.300.000,00	4.147.000,00	0,71 %
2006	642.424.000,00	4.364.000,00	0,67 %
2007	739.500.000,00	5.321.000,00	0,71 %
2008	816.500.000,00	5.566.000,00	0,68 %
2009	681.231.000,00	3.810.000,00	0,56 %
2010	704.900.000,00	3.617.000,00	0,51 %
2011	716.500.000,00	3.527.100,00	0,49 %
2012	758.750.000,00	4.551.000,00	0,60 %
2013	739.740.000,00	3.646.600,00	0,49 %

7. TAKMIČARSKI REZULTATI SPORTISTA IZ KANTONA SARAJEVO

Temelj sistema sportske djelatnosti predstavlja sportski rezultat. Na osnovu aktuelne situacije i trenutnog stanja odnosa proizilazi da sportisti iz Kantona Sarajevo ima najveći obim rezultatskog uspjeha na čitavom području Bosne i Hercegovine. Ministarstvo je potpomoglo ostvarivanje svih kvalitetnih sportskih rezultata u svim poslijeratnim godinama u kojima su učestvovali sportisti iz Kantona Sarajevo.

Ovdje ćemo nabrojati neke od najboljih rezultata u 2013 godini na međunarodnom planu.

- Ena Oruč, prvo mjesto, zlatna medalja, u kategoriji +50 kg., na Otvorenom Svjetskom Taekwondo prvenstvu u Londonu, Engleska, 03 i 04.08.2013.godine,
- Haris Čutuk, prvo mjesto, zlatna medalja, u kategoriji do 76 kg., u K-1 verzija IKBF, u Melburnu, Australija
- Bojan Lalić, prvo mjesto, zlatna medalja, na 1-om Evropskom prvenstvu u hapkidou u Zagrebu, Hrvatska, 16 i 17.02.2013.godine,

- Larisa Cerić, prvo mjesto, zlatna medalja u judou, u kategoriji +78 kg., na 2-om Evropskom univerzitetskom judo prvenstvu u Coimbri, Portugal, 05-07.10.2013.godine,
- Reprezentacija Bosne i Hercegovine u sjedećoj odbojci, prvo mjesto, zlatna medalja, na Evropskom prvenstvu u sjedećoj odbojci u Elblagu, Poljska, 16-21.09.2013.godine,
- Harun Sadović, drugo mjesto, srebrna medalja, u kategoriji +90, na Svjetskom omladinskom prvenstvu u judou, za takmičare do 18 godina, u Miamiu, SAD, od 08.08-11.08.2013.godine,
- Amel Mekić, drugo mjesto, srebrna medalja, u judou, u kategoriji +100 kg., na Mediteranskim igrama u Mersinu, Turska, 20-30.06.2013.godine,
- Muška Reprezentacija Bosne i Hercegovine u karateu, drugo mjesto, srebrna medalja, na 48-om Evropskom prvenstvu u karateu za seniore i seniorke u Budimpešti, Mađarska, 07-12.05.2013.godine,
- Ajla Reizbegović, drugo mjesto, srebrna medalja, na 1-om Evropskom klupskom prvenstvu u taekwondou u Atini, Grčka, 09-14.01.2013.godine,
- Naida Kaljanac, drugo mjesto, srebrna medalja, na Svjetskom prvenstvu za djecu, kadete i juniore U21 po IKU pravilima u Italiji, 10-13.10.2013.godine,
- Namik Kamenica, drugo mjesto, srebrna medalja, na Svjetskom prvenstvu za djecu, kadete i juniore U21 po IKU pravilima u Italiji, 10-13.10.2013.godine,
- Gljiva Ena, treće mjesto, brončana medalja, u kategoriji Junior žene -53 kg, na 40-om Evropskom prvenstvu u karate za kadete, juniore i seniore U-21 u Konyii, Turska, 07-10.02.2013.godine,
- Larisa Cerić, treće mjesto, brončana medalja u judou, u kategoriji +78 kg., na Mediteranskim igrama u Mersinu, Turska, 20-30.06.2013.godine,
- Džemal Bošnjak, treće mjesto, brončana medalja u boksu u kategoriji do 81, na Mediteranskim igrama u Mersinu, Turska, 20-30.06.2013.godine,
- Armin Gredić, treće mjesto, brončana medalja, na 1-om Evropskom klupskom prvenstvu u taekwondou u Atini, Grčka, 09-14.01.2013.godine,
- Samir Selimović, treće mjesto, brončana medalja, na 1-om Evropskom klupskom prvenstvu u taekwondou u Atini, Grčka, 09-14.01.2013.godine,
- Emina Avdić, treće mjesto, brončana medalja, na Svjetskom prvenstvu za djecu, kadete i juniore U21 po IKU pravilima u Italiji, 10-13.10.2013.godine,
- Haris Isanović, treće mjesto, brončana medalja, na Svjetskom prvenstvu za djecu, kadete i juniore U21 po IKU pravilima u Italiji, 10-13.10.2013.godine,
- Hamdo Maličević, treće mjesto, brončana medalja, na Svjetskom prvenstvu za djecu, kadete i juniore U21 po IKU pravilima u Italiji, 10-13.10.2013.godine,
- Muška seniorska Reprezentacija Kantona Sarajevo u karateu, prvo mjesto, zlatna medalja, na 11-om Evropskom prvenstvu regija u Herceg Novom, Crna Gora, 08-09.06.2013.godine,

8. SPORTSKE MANIFESTACIJE

U Kantonu Sarajevo se u odnosu na cijelu Bosnu i Hercegovinu održava najveći broj zvaničnih sportskih manifestacija. Obzirom da su sportisti iz Kantona Sarajevo uključeni u sva ligaška takmičenja veliki je broj redovnih, ligaških, takmičenja. U našem Kantonu se održava veliki broj tradicionalnih sportskih manifestacija sa međunarodnim predznakom, tj. sa učešćem sportista iz Evrope i Svijeta. Sve su te manifestacije finansijski podržane od Ministarstva kulture i sporta.

Ovdje ćemo nabrojati sportske manifestacije održane u 2013 godini na području Kantona Sarajevo.

Tabela:7

Sportske manifestacije

- 19-a Međunarodna ulična atletska trka "Viviccita 2013"
- Proljetni kros za učenike i učenice osnovnih i srednjih škola Kantona Sarajevo
- Jesenji kros za učenike i učenice osnovnih i srednjih škola Kantona Sarajevo
- Atletski kup za učenike i učenice osnovnih i srednjih škola Kantona Sarajevo
- Sarajevo polumaraton 2013
- 10-i Internacionalni Aerobic dan u BiH
- 11-i Old Timer susreti Sarajevo 2013 - Osmijeh za BiH
- Međunarodni oldtimer rally 24h
- Brdsko brzinska trka "Igman 2013"
- Auto Rally "Ilijaš 2013"
- Šampionata BiH u trkama ubrzanja na 402 metra disciplina a10
- 6-a Biciklistička trka „Giro di Sarajevo 2013“
- 2-a Nacionalno brdsko biciklistička utrka u sklopu Škoda XC lige
- 19-i Memorijalni bokserski turnir "Hakija Turajlić"
- 11-i Memorijalni bokserski turnir "Mustafa Hajrulahović – Talijan"
- 11-i međunarodni memorijalni turnir "Braća Kadić" u boksu
- Memorijal "Andrija Maleč" u dizanju tegova
- Svjetsko prvenstvo u preciznom slijetanju paraglajdingom
- 9-i Međunarodni turnir za žene u malom fudbalu "Womens Cup Sarajevo 2013"
- 14-i malonogometni kup "Svijet prilagođen djeci – Sarajevo 2013" za dječake i djevojčice
- 9-i Memorijalni malonogometni turnir "Alija Izetbegović" Vogošća 2013
- 12-i Memorijalni turnir u malom fudbalu "Šehidima – poginulim borcima i ratnim vojnim invalidima 2013",
- 8-i Memorijalni turnir u velikom nogometu „Želimir Vidović Keli“
- Međunarodni Malonogometni turnir "Kup pobratimljenih gradova - Prato u Sarajevu"
- 22-i Bajramski međunarodni malonogometni turnir "Sarajevo 2013 - 1434. h.g.",
- 20-i memorijalni malonogometni turnir "Zajko-Šikalo"
- 21-i Međunarodni novogodišnji turnir u malom nogometu "Asim Ferhatović – Hase"
- 1-i međunarodni fudbalski Šestoaprilski turnir „Josip Katalinski Škija“,
- 6-i međunarodni malonogometni turnir "Šampion – Junior kup“ za dječake
- 1-i „FC Barcelona – FCB Escola nogometni ljetni kamp – Sarajevo 2013“
- 2-i Regionalni fudbalski turnir U-17 Bjelašnica
- Liga srednjih škola u malom fudbalu
- BH Telecom Regionalno amatersko prvenstvo u golfu
- Svjetsko veteransko prvenstvo u hrvanju 2013
- Evropsko judo prvenstvo za juniore i juniorke U21
- 8-i Evropski kup za seniore i seniorke u judou „Evropa Kup – Sarajevo Open 2013“
- 22-i Memorijalni judo turnir "Vinko Šamarlić"
- 13-i međunarodni judo turnir "Sarajevo open – sportom protiv droge"
- 13-i Međunarodni judo turnir "BiH-Nippon"
- 11-i Memorijalni judo turnir "Alija Miladin"
- Karate World Grand Prix Sarajevo "Alija Izetbegović"
- Karate kup Oslobođenja Sarajevo open – 14-i Memorijal Salko Čurić"
- 14-i Memorijalni međunarodni turnir u karateu "Rašid Buća"
- 5-o Otvoreno prvenstvo Vogošće u Karateu "Vogošća Open 2013"

- 12-i Memorijalni turnir u kick boxu "Braća Bašović"
- 5-i Internacionalni kick boxing kup Ilidža Open 2013"
- Borilačka manifestacija "Noć Gladijatora 5"
- Borilačka manifestacija "Sarajevo Fight 3"
- Finalflight Championship K1 Turnir Noć borilačkih sportova
- Evropsko prvenstvo u košarci U16 Divizija B za muškarce
- 9-i Međunarodni Memorijalni košarkaški turnir "Mirza Delibašić"
- 9-i Međunarodni Memorijalni košarkaški turnir "Davorin Popović - Dačo"
- 8-i Međunarodni turnir prijateljstva u košarci "Vogošća 2013",
- 6-i međunarodni košarkaški turnir za djevojčice i dječake povodom Dana grada Sarajeva "6-to Aprilski turnir",
- 9-i Memorijalni košarkaški turnir Haris Brkić"
- Omladinska liga u košarci Kantona Sarajevo
- 12-i Internacionalni turnir u sjedećoj odbojci Sarajevo open 2013
- 11-i Međunarodni turnir u kuglanju „Esad Kurspahić Česa“
- Međunarodni moto susreti Ilidža 2013
- 7-a Maturantska parada
- 4-i Međunarodni plivački miting "Sarajevo Aquatics 2013
- Međunarodni plivački miting "Swim Olympic Sarajevo 2013"
- Internacionalni plivački miting "Mladi za mlade"
- Internacionalni kup u sportskom ribolovu "Sarajevo 2013"
- Svjetsko juniorsko prvenstvo u rukometu – BiH 2013
- 13-i Međunarodni turnir u ritmičkoj gimnastici "Suada Dilberović"
- 12-i međunarodni turnir u sjedećoj odbojci "Sarajevo Open 2013"
- Skijaško takmičenje Fis Kup ZOI 84 "Djeca za mir u Svijetu"
- Skijaško takmičenje u alpskim disciplinama "9-i Kup Srebrena lisica"
- Takmičenje u skijaškom trčanju "Kup Igmana 2013"
- 16-i Tradicionalni međunarodni memorijalni streljački turnir "Amir Džulić – Špico"
- 10-i Otvoreni Šestoaprilski turnira u streljaštvu za invalidna lica
- 39-i Balkanski šampionat u stonom tenisu za seniore
- 18-i Međunarodni memorijalni turnir u stonom tenisu "Kemo Fazlić"
- 2-i Otvoreni međunarodni turnir Grada Sarajeva u stonom tenisu „Stens Open 2013“
- 1-i TOP 8 Bosne i Hercegovine za seniore i seniorke u stonom tenisu
- 43-i Međunarodni šahovski super turnir "Bosna 2013"
- 22-i Napretkov međunarodni Božićni turnir u šahu
- 26-i memorijalni šahovski turnir "Asim Ferhatović Hase"
- 6-i Međunarodni šahovski turnir "Novi Grad Open"
- 8-o Međunarodno taekwondo prvenstvo "Olimpic Open 2013"
- 11-i Međunarodni teniski indoors turnir "ATP Challenger Sarajevo open 2013",
- 21-i Memorijalni turnir u tenisu "Jan Doršner"
- 17-i međunarodni teniski turnir "Open RCT Barcelona 1899 – Sarajevo 2013" Tournament Junior Circuit 16 & Under
- 10-i ITF teniski turnir Futures series Bosna Open 2013
- Teniski turniri "Sarajevo ladies Open 2013" iz ciklusa ITF Futures Series
- 10-i Međunarodni triathlon kup "Kulin Ban 2013"
- 5-i Međunarodni vaterpolo turnir evropskih šampiona "Sarajevo Champions Challenge 2013"
- 1-i Međunarodni juniorski turnir u vaterpolu „Sarajevo 2013"
- Male Olimpijske igre – Finalne sportske igre djece i omladine, učenika osnovnih i srednjih škola u BiH za 2013 godinu
- 17-i Memorijalni turnir za invalide "Enver Šahović"

- 16-i Memorijalni turnir za invalide "Ramiz Salčin"
- 10-e Sportske igre paraplegičara i oboljelih od dječije paralize BiH "Sarajevo 2013"
- Međunarodni simpozij "Nove tehnologije u sportu 2013"
- Izbor sportiste BiH za 2012 godinu
- Izbor sportiste invalida BiH za 2012 godinu
- Izbor sportiste Kantona Sarajevo za 2012 godinu
- Izbor sportiste invalida BiH za 2012 godinu
- Kulturno sportska manifestacija "Festival mladosti Denis Mrnjavac 2013"
- Sportske igre mladih

Veliki broj tradicionalnih međunarodnih sportskih priredbi dokazuje da Sarajevo jeste grad sporta, da se u naš grad sportsiti iz Evrope i Svijeta rado dolaze i rado se vraćaju, jer mi znamo napraviti samo dobru sportsku priredbu. Na žalost, te sportske priredbe, kao ni sam sport, nisu u kvalitetenoj sinergiji sa ostalim društvenim područjima (turizam, kultura, obrazovanje, saobraćaj, zaštita okoliša i sl.).

9. PRIJEDLOG MJERA

Potrebno je kontinuirano raditi na slijedećim aktivnostima:

- Neophodno je povećanje obima finansiranja, odnosno budžeta za sport u Budžetu Kantona Sarajevo.
- Nastaviti sufinansiranje klupskih sportskih aktivnosti sa ciljanim strateškim djelovanjem na rad sa mlađim kategorijama (pioniri, kadeti, juniori), s posebnim zahtjevom za masovnost.
- Iskorištenost termina za trenažni proces i sportska takmičenja i manifestacije u postojećim sportskim objektima naglašava neophodnost nastavka realizacije projekata očuvanja i sanacije postojećih sportskih objekata i izgradnje novih zatvorenih i otvorenih, posebno specijalističkih sportskih objekata.
- Kanton Sarajevo u svakom slučaju treba sufinansirati sportiste sa vrhunskim sportskim rezultatom.
- Sport tretirati kao moguću razvojnu privrednu djelatnost sa maksimalnim učešćem građana u samoorganizovanom sistemskom bavljanju sportskim aktivnostima
- Državne institucije trebaju da preuzmu budžetsko sufinansiranje reprezentativnih selekcija.
- Insistirati na izmjeni Zakona o lutriji BiH i igrama na sreću u smislu obaveze izdvajanja procenta iz dobiti za sport.
- Insistirati na izmjeni Zakona o porezima BiH u smislu olakšica i beneficija na sponzorstvo i donacije sportu.